

91286



912860



NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROA

QUALIFY FOR THE FUTURE WORLD  
KIA NOHO TAKATŪ KI TŌ ĀMUA AO!

2

SUPERVISOR'S USE ONLY

## Level 2 Te Reo Māori, 2015

91286 Pānui kia mōhio ki te reo o te ao torotoro

9.30 a.m. Thursday 12 November 2015

Credits: Six

Paetae	Kaiaka	Kairangi
Pānui kia mōhio ki te reo o te ao torotoro.	Pānui kia mārama ki te reo o te ao torotoro.	Pānui kia mātau ki te reo o te ao torotoro.

Check that the National Student Number (NSN) on your admission slip is the same as the number at the top of this page.

**You should attempt ALL the questions in this booklet.**

If you need more room for any answer, use the extra space provided at the back of this booklet.

Check that this booklet has pages 2–8 in the correct order and that none of these pages is blank.

**YOU MUST HAND THIS BOOKLET TO THE SUPERVISOR AT THE END OF THE EXAMINATION.**

TOTAL

ASSESSOR'S USE ONLY

## NGĀ TOHUTOHU

E TORU ngā pātai nui kei te whakamātautau nei. Pānuihia ngā kōrero o ia kōwae, kātahi ka whakautu i ngā wāhanga KATOA o ia pātai.

## INSTRUCTIONS

There are THREE questions in this exam. Read each passage of the story, and then answer the question that follows.

### KŌWAE TUATAHI Ko te amorangi ki mua, ko te hāpai ō ki muri

Whakarāmeme ana, kuhu mai ana ngā tauira hou, ētahi o ō rātou mātua me ngā kaiako hou i te waharoa o Te Kura Tuarua o Pāuanui i runga i te karanga o te kuia o te kura, a Whaea Puti. Ko Heeni tōku ingoa, ko Katarina rāua ko Hōhepa ōku hoa. Ko tēnei te rā tuatahi o te kura mo tēnei tau.

Haruru ana te papa i te haka pōwhiri o tō mātou rōpū haka i te ekenga mai o te manuhiri ki runga i te marae ātea o tō mātou kura. Ka aratakina rātou e te kuia me ngā kaumātua o tēnei takiwā kia kore ai te manuhiri e takahi i ngā tikanga me ngā kawa o te iwi kāinga. Ko tā te wahine mahi, he arataki i te manuhiri ki runga i te marae. Ko tā te tāne mahi, he noho ki te paepae tapu ki ngā rārangi tūru i mua. Ka mutu, me noho te manuhiri ki ō rātou tūru i mua i te tīmatanga o ngā whaikōrero.

### Kuputaka

whakarāmeme	<i>gather</i>
haruru	<i>rumble</i>
takiwā	<i>region</i>



**KŌWAE TUARUA    He kokonga whare e kitea, he kokonga ngākau e kore e kitea**

Ka noho te manuhiri ki runga i ngā turu i whakaritea ai e mātou i te ata nei. Ka tū tō mātou kaikōrero a Koro Haki. I a ia e kōrero ana, ka huri mai a Katarina.

Ko Katarina:        E hoa, tokomaha ngā tāngata e pōwhiritia ana i te ata nei nē?

Ko Heeni:            Āe e hoa, kua haramai te tini me te mano o te hapori nei. He tino pai te pōwhiri nei hei whakakotahi, hei whakatau hoki i ngā manuhiri.

Ko Katarina:        Heoi anō e hoa, he nui ngā amuamu ā ngā mātua i puta mai i te tau kua pahure ake nei e pā ana ki te roa o te pōwhiri.

Ko Heeni:            He aha hoki, e hoa! Ko te amuamu matua kua kore rawa te nuinga o ngā mātua i te mārāma ki te reo o ngā kaikōrero, ā, kāore hoki rātou i te mōhio ki te tino hīranga o tēnei mea te pōwhiri. Arā, ngā mihimihi, ngā kaupapa kōrero, te hononga tangata.

Ko Katarina:        Kāore e kore, mā te wā e hoa, ka puta ō rātou whakaaro ki te ao mō te pōwhiri o tēnei tau.

**Kuputaka**

pahure            *past*  
hīranga            *significance*



## KŌWAE TUATORU      Whāia te mātauranga ki tōna ikeikenga

Ka mutu a Koro Haki, ka tautokona tāna kōrero ki te waiata. Ko pāeke te kawa o te rohe nō reira ka tukuna te rākau kōrero e Koro Haki ki te taha manuhiri. Ka tū tō mātou kaiako Māori hei māngai mo te manuhiri i te mea kāore i a rātou he kaikōrero. Ko ngā painga o te mātauranga te tino matū o tāna i kōrero ai. He huarahi ki te ao whānui, he oranga whānau, hapū, iwi hoki.

Mutu ana tana kōrero, ka waiata ia me te tokoiti e matatau ana ki tāna i waiata ai. Ka whakaotia te pōwhiri ki te harirū i waenga i ngā kaiwhakahaere o tō mātou kura me te manuhiri. Kātahi ka puta te karanga o te wharekai kia haere te manuhiri ki te kapu tī. Ka hoki mātou ki te kīhini ki te whakarite i te wai hei horoi i ā rātou rīhi.

### Kuputaka

matū      *point, gist*



